

痘症精言

月

療症精言卷之四

洛陽袁 句大宜甫著

歷下潘遇隆友臣甫校

藥性總論

毒猶寇也。藥猶兵也。醫猶將也。用藥以驅毒，卽用兵以逐寇。是在爲將者，運用何如耳。不知兵之性，是以兵與寇也不辨。藥之性，是以孩之性命與毒也。然則藥可不辨乎哉？以大綱言之，或在氣分，或在血分，判然不同也。以各經言之，或在某臟，或在某腑，又或在某經之氣分，或在某經之血分，釐然迥別。且也有一藥端走一經，而不相假借者，更有一藥兼治各經，而可以變通者，善爲通用，而

君臣佐使迭爲賓主不必株守夫常格加之炮治而分門別戶任我驅策何俟拘滯乎成見可升可降可補可瀉可溫可寒可斂可散可以發揚而達於表可以搜剔而抉其根可以半表半裏而各極其妙大黃可以止瀉人參可以攻毒清火而偏用溫散之劑涼血而反忌沉寒之品又或補中帶清一切滯補之藥須爲揀選養而帶活一切溫補之性必用釐剔藥味有限運用不窮是必考辨詳明炮製精細用一藥必獲一藥之效而變通之以盡其效立一方必合羣藥之力而參互之以奏厥功棄取不必隨人輕重總歸自村苟非藥性嫻熟而深究其微又烏能變化隨心哉且夫藥性之說散見於醫書者亦不知凡幾何煩予之過爲嘵嘵乎益治病

者可以從容而圖。獨痘症門中則限以時日而吉凶之分判於俄頃。故用藥之方亦與尋常不同。有一日而數劑者。蓋一步不如法則雖悔何及。一着用得錯則補過無時。以孩之生死只決於數日之內。以數日之輾轉責望乎治者之手。而兢兢焉求孩之命於此數藥味中。而顧可不細心講求乎。雖曰藥性浩繁難以備舉。而與痘不相宜者不敢濫收。故採擇乎常用者。各分其門類詳著其用法。而一一剖晰焉。苟隨症而酌度之亦庶乎不窮於用矣。

○○破氣藥論

氣領毒而出者也。毒盛則氣爲所制。閉塞而不能暢達。何以領毒乎。破氣者破其閉結。使得其暢達也。獨不慮損真氣乎。蓋氣爲毒

制不破其結則真氣爲消耗所謂陽亢則絕者是也迅利之藥其性雖雄有受之者矣開其結聚之熱而真氣鼓盪自能透發痘有不起者乎故精選破氣之藥列之於左以備採擇焉

大黃

大黃者其性苦寒而最能滲熱其體通利而直注大腸所以逐梟毒破瘀血者也名之曰將軍以痘之毒非此不足以勝之耳生用則直下酒炒則並利胸膈九蒸則上行頭目陳醋煮之則能破肝經之積紅花煮之則能開血分之瘀所謂以行氣之藥而兼能奏功於血分者此也宜輕宜重當審慎用之而不可因循

青皮

青皮者肝經行氣之藥而兼開脾經者也痘顧不起重用青皮何也蓋肝氣鬱結必橫膈於中而脾氣亦不暢發痘何以起乎故重用之以開肝氣肝氣開而中氣亦暢則囊殼自然充肥此青皮所以爲起脹之妙品也然亦能大損中氣不可不知

山查

山查能消肉食而治痘者以爲寬氣道而鬆痘毒何也脾家有積則其氣不能健爽而毒氣更因之而壅遏此痘之所以不能鬆活而圓暢也山查消其積聚則中氣快利得以暢發

於周身而痘形自然聳動故曰寬氣道而鬆痘毒且兼能破
血中之滯氣

枳壳

枳壳能降肺氣肺與大腸相表裏者也上而肺管中而胸膈
下而大腸皆肺主之本一氣相通者枳壳能從肺管吹之使
開而直通大腸利氣之妙品也去脹消痞化痰止嘔皆氣降
故也

枳實

大者爲枳壳小者爲枳實與枳壳同性而其力雄猛故昔人
以爲有推墻倒壁之功佐大黃而下行取其直通大腸之氣

而莫能阻礙也製法與枳壳皆用麩炒其端行肺與大腸之氣則一也氣虛宜審慎用之

厚樸

厚樸溫中下氣寬膈而消脹能洩胃實陽明氣分之藥也治痘者以其溫中每畏其燥而不敢用不知胸膈滿悶腹脹難消非此不除雖曰性溫而兼能散之妙昔人用之以平胃而炒之以薑者更引之而入胃也嫌其溫而並棄其寬膈下氣之功誤矣

桑白皮

桑皮利膈止嗽定喘化痰而其妙總歸於能瀉肺氣氣降故

諸症皆平也。尤長於利水。蓋肺爲金。金能生水者也。利水卽瀉其子以洩其母之意也。故於降肺氣爲最宜。

前胡

前胡肺家藥也。散風熱。利胸膈。止嘔定喘。以其能降胸前之氣也。故胸膈煩悶者。以前胡佐大黃下之。

檳榔

檳榔能逐癘疫之氣。消水除痰。化食破積。寬膈之妙品也。兼能降至高之氣。墜諸藥而下行。蓋痘中目症。非檳榔不能散其蒙閉。故又爲去障磨翳之聖藥。以其能開氣結也。雄者爲佳。磨汁用之。見火則無功。

烏藥

烏藥能理七情之鬱結解氣血之凝滯最宜於脚氣疝氣以其兼能利小腸之氣而下行也其性辛溫故痘家每忌用之豈知其專主洩氣溫而能散乎佐生牛膝而利下部之氣必不可少

赤芍

赤芍者散結利水療毒壅之腹痛化小腸之結聚者也故熱結膀胱小便不通者非赤芍不爲功以其能被小腸之滯氣而爲痘症門中至要之品也

鬱金

鬱金其利辛苦而大心之品也其性辛溫故痘家每忌用之以清心中之熱

鬱金其味辛苦直入心之包絡故醫家用之以豁心中之痰以其能開心經之鬱也痘中心火太盛舌爛生瘡導赤而君火不能下降者佐之以鬱金則鬱開而火自散其功倍捷於菖蒲耳

○○調氣理氣藥論

尋結氣分者必破其結矣若氣分間有未暢不至爲毒所錮又或虛中有滯概施以破氣之藥是尋其真氣也無乃太過乎調之而氣分自開理之而氣分更健是不可不酌量於其間也故精選調氣理氣之藥而列於左

香附

香附能調六鬱血分之藥而古人平胃散兼用香附何也以其能解中宮鬱結之氣而使之鬆暢也故痘症有中氣不暢而不敢破者以香附調之

白芍

白芍者能歛能散肝經之藥而實主調和血中之氣者也治痘者惡其能歛而禁之又烏知爲調和肝氣之妙品哉且酒炒則能調生用並能破

麥芽

麥芽能消麵食脾胃藥也能啓脾而進食寬中氣而消積炒黃用之

神麴

神麴能發脾胃之積而和解之寬中和氣而兼利脾胃之濕炒黃用之

萊服子

服子其味辛甘下氣消食和中化痰能治胃口之吞酸兼除胸腹之滿脹炒研用之

蘇梗

蘇梗味薄而性平調和中氣上下宣暢順氣諸品惟此最爲平和

陳皮

陳皮其味苦辛而性溫開胃健脾寬氣而消痰能降能散能補故其調中理氣功在諸藥之上

砂仁

砂仁能和中氣消食其味辛溫兼能健中而安胃痘後中氣不足而有滯者最宜用之去皮炒研

藿香

藿香溫中快氣開胃而進食者也其性辛溫故痘家每禁用之然能止心腹之疼安氣逆之吐惟熱結陽明者恐助其燥不可輕投若痘後胃虛不食佐以砂仁則安胃進食之妙品耳

木香

木香性溫味厚沉而下降中氣不運木香能化中焦滯氣脾家之藥兼能利大腸之滯故利疾後重者非此不可若用攻下劑不可借之利大腸以其性溫兼能健中故也如遇痘後腹脹不消而中氣虛滿者非此不能奏功

○○氣分升發表散藥論

痘者內外兼治者也不爲之解其肌表是閉之也不爲之發其鬱結是遏之也痘之出而不快長而不充職是故耳爲之解其表邪而其竅利矣爲之發其遏鬱而其勢暢矣所謂攻而帶表攻而帶散不至使中氣餒而不振者升發表散之妙也予故爲之列其藥

於左而條分之

桑虫

桑虫肺經透發之藥也而行肺經之陰其性溫柔而和緩用以發痘最爲平穩絕無燥烈衝擊之患至妙之品也細研取汁兌藥同服鮮者愈佳若平日得之以炒黃直僵蚕爲細末溲乾作餅以備一時之急但力量遲緩須重用之以收其功

葛根

葛根陽明透發之藥也而兼能解肌表之熱蓋胃爲後天生氣暢發之源葛根尚主胃經能散能透妙不可言如鐵唇掀唇自當重用石膏佐之以葛根則涼而且散其功更大且不

至有沉寒之累故凡結毒胃陽明者始終不可去之

川羌活

羌活發表散風之藥。尚行一身之筋骨而兼能透毒。治痘者獨用之於將腦之際以搜發筋骨之毒而不知實爲透毒之妙品。固不拘痘前與痘後者也。

生黃芪

生黃芪味甘而微溫。脾家藥也。生用之則能固表。以其從肺經而達于肌膚也。故痘顆不起而熱勢平和者。可用之以催發。

白芷